

KALATE BAA PAUL A NGA TILI

BOTE YA TÉSALÔNİKA

Mebatan

1 Tes 1 : 1)

1 1 Ma Paul, bia Silvanus a Timôteus, bi atili kirké bôte ya Tésalônika, nje é ne e be Zambe Esaa wongan baa Nti Yésus krist , ndinleme jangan. 2 Mvam é bo’o e be mia a mvo’é, bi so’o e be Zambe Esaa a be Nti Yésus Krist.

Ntyi’ane mejô e nsoane Krist

(Mat 5 : 10-12; 13 : 40-43; 25 : 31-46; Rôm 8 : 17, 18; Fil 1 : 3-6, 27-30 ; 1 Tés 1 : 2-7; 1 Pét 4 : 12, 13)

3 A Bobejañ bi ayiane ve Zambe akéva kom ésa amu ajô denan, Nalé ate a ne zôsôô, amu mbunane wônan w’adañe yaé, a nye’ane mô t ase ya be mia a nye’e nyô mbok, w’afôé. 4 Nalé ate, mfa’a wongan, bi awumu biabebien amu mia e bekirké be Zambe été, amu mbane njibane wônan, e mbunane wônan e bipkwe’ele bienan a bitibila’a bienan bise été, mbie mi ajibi ; 5 mbie bite bi ne ndem j’aliti zôsôa ntyi’ane mejôa Zambe, ane mi ne yené mi yia’an éjôé Zambe. A jô ya été nde mi awu fe de mintae, 6 nge a ne zôsôa jam asu Zambe na, a beta ve ba b’atibili mia, étibela’a, 7 a ve fe mia, ba b’awu ékp we’ele, awo’an, bia be mia, éyoñ Nti Yésus a ye yené a so’o e yôb ba beéngel ya ngule jé e nkaba’a nduan été. 8 A ye liti akuna’a e be be ba be ne te yeme Zambe , a ba be ne te bo mbamba foé Nti wongan Yésus mewôk. 9 B’aye tôbane meleb, me ne na, njañan ya nnôm éto, nkandan a asu Nti, nalé fe étôto’o ya éwôlô jé, 10 éyoñ a ye so na, a kulan étôto’o jé e be mimfufube mié, a yen ésemen môs ôte e be ba bese be nga buni, amu nkañete bi nga kañete mia ô nga buniban. 11 Mfa’a ôte fe bi aye’elane kom ése ajô denan na, Zambe wongan a yene mia mi yia’an nleon a nga loene mia, a tôé fe mia ngule jé, mbamba be mame mé, aval ese a yene mvaé, nalé fe mboan ya mbunane wônan, 12 nde ete jôé Nti wongan Yésus d’aye bo étôtok e be mia, mia fe e be nye, aval ane mvame Zambe wongan Nti Yésus krist é né.

Môt a ne te metiñ

(1 Tim 4 : 1 ; 1 Yôh 2 : 18 ; 4 : 1-3 ; Nkul 13 : 17)

2 1 Nde, A bobajañ , bi aye’elane mia amu ajô nsoane Nti wongan Yésus Krist, a ajô nsulane wongan ya tôbane nye na, 2 mi bo’o te ji’a fô’ôban e minlem été nge nyeñeban, ja’an amu nsisim éziñ, nge amu nkobô, nge kalate aval ane nge a so e be bia na, Môs Nti ô ntoo. 3 Môt a bo’o te du’u mia a zen éziñ ; amu môs ôte w’aye bo te tame zu, ve nli’ane mbunan, ñwô w’aye tate bo, a mô t ya te metiñ, mô t ya njañan, a ye yené. 4 Nnye ate a tebe e ngame yat a bete émien e yôp, a wosane nyô ase a lobane na, Zambe, nge jôme bôt b’akañ. Nalé ate émien a tabe si e tempela Zambe été, a liti émiene na, a ne Zambe. 5 Ye mi ne te simesane na, éyoñ éte me ngenan me too e be mia, me nga

bo me jô'ô mia jame di ? 6 Nde éyoñe ji, mi ayeme jôm j'akame nye, nde a ye yené ve éyoñe jé émien. 7 Amu ndimba jam ya te metiñ é tatéya ésaé jé, ve jame da, nyô a dibe nye zen éyoñe ji, a ye bo nalé akekui a ye vas vôm a too. 8 Eyoñ éte mô't ya te metiñ a ye yené, nnye ate Nti Yésus a ye wôé a mvebe ya anyu dé, a te'elane nye a ñyenan ya nsoane wé. 9 Nsoan mô't ya mô't ya te metiñ ate w'aye boban a ngule Satan, a éwôlô mboan ése, a mendem a bitua bi mam ya minsos, 10 a medu'an mese ya ékotekote mboan e be ba b'ajañ, amu be nji nyoñ nye'an ya nye'e benyaa mejôô ane be ne nyiiban. 11 Amu ajô te nde Zambe a lôme be mboan w'ayale be zene fe na, be buni minsose mite, 12 nde ete ba bese be nga bo te buni benya mejôô, ve viane bo ba b'anye'e ékotekot, b'aye vebane mekua.

Ntoban mfa'a ya nyian

(1 Pét 1: 2-9; 5 : 10, 11)

13 Ve bi ayiane ve Zambe akéva kom ése amu ajô denan, A bobajañ Nti a nye'e, amu na, Zambe a nga tobe mia aso atata'a mfa'a ya nyian amu mboane mfuban w'aso e be Nsisim, a amu mbunan ya benya mejôô. 14 Nde a nga loene mia amu mbamba foé wongan, nalé mi aye nyoñ étôto'o Nti wongan Yésus Krist. 15 Nalé ate nde, A bobajan, teba'ane ngu, mi biane fe miñye'elan be nga ye'ele mia, ja'ana a mejô ya anyu, nge a kalate. 16 Nde Nti wongan Yésus Krist émien a Zambe Esa wongan, nyô a nga nye'e bia a ve bia involane nlem ya nnôm éto, a mbamba ndinlem amu mvame jé, 17 a volô'ô mia minlem, a yemete mia e ésaé ése a mbamba nkobô été.

Mi ye'ela'an ajô dangan

(Rôm 15 : 30-32; 1 kor 1 : 8, 9; Kol 4 : 3, 4; Yak 5 : 7, 8)

3 1 A bobajañ, M'asu'ulane jô na, mi ye'ela'an ajô dangan, ane mejô me Nti me ne ke ôsu a wum, avale fe ane me nga bo e be mia; 2 nde fe bi ne vas e mo me mimvômvôl a mbia be bôt; amu mbunan ô nji bo jôme bôte bese. 3 Ve Nti nnye a ne nyô ya buni, nnye ate fe a ye yemete mia a ba'ale mia mfa'a ya mbia mô't. 4 Nde bi bili ndinlem e be Nti amu mam bi nga bendé mia, mme mi abo, a mi aye fe bo. 5 Nti a sô'ane minlem mienan zene ya nye'ane Zambe a ntebane ngul e be Krist.

Meleb ajô éles

(1 Tés 2 : 9, 10 ; 4 : 1, 11, 12)

6 Nde, A bobajañ, m'abendé mia amu jôé Nti Yésus Krist na, mi sa'ale monyañ ase a wulu dulu éles, a sa aval ane ñye'elan mi nga nyoñ e be bia ô né. 7 Amu miabebien mi ayem aval ane mi ayiane vu bia ; amu bi nji wulu dulu éles e be mia. 8 Nalé fe bi nji di éza fembé te ya'an ; ve bi nga tu'u menyô a bo nju'u ésaé alu baa mô's, ane bi ne bo te ka'a mô't éziñ ya be mia mbe'e. 9 Sa amu bi bji bi ngulenjôan ya été, ve ane bi ne bo biabebien éve'ela'a mfa'a wônane na, mi vu bia. 10 Amu ja'ana éyoñ bi nga too e be mia, bi nga bendé mia na, nge mô't éziñ a ne te kômbô bo ésaé, a bo'o te fe di. 11 Amu bi awô'ôtane na, bôte bevo'o ya be mia b'awulu dulu éles, teke'e bo ésaé éziñ, ve fu'u éza mam. 12 Nde ba be ne avale bôt été, bi abendé be, a bi a lebe be e be Nti Yésus Krist na, be bo ésaé be too bivô, a di bidi biab bebien. 13 Ve mia, A bobajañ, mi bo'o te kat mboane mvaé. 14 Ve nge mô't éziñ a bo te ve njôan bi

ajô mia e kalate nyôna été mewôk, mi yeme'ela'an mô't ate, a bo te yeñ a nye, ndemben a ne wô'ô ôson. 15 Ve da, te yenane nye ane nziziñ, ve mi lebe nye ane monyoñ.


Mbamba Njôan

(2 Kor 13 : 11-13)

16 Nde, Nti a ne mvo'é, émien a va'a mia mvo'é biyoñe bise a mezene mese. Nti a tabe'e e be mia bese.

17 Mebatane mam, ma Paul, a wo wom mamien, mme me ne ndem e kaleté ase m'alôm, nne m'aliti nalé.

18 Mvam Nti wongan Yésus Krist é tabe'e e be mia bese.



Rev. Matthias MEYE
Secrétaire Général 1961.....